

陶雲汀先生奏疏

奏疏卷二十八目錄

蘇撫兼署督稿

安化陶澍

兼署總督印務加官保銜謝

恩摺子

防掣假照案內餘犯摺片

太湖廳紳士捐挑鷁鷄河工竣請獎摺子

溧陽縣士民捐挑河道工竣請敘摺子

續獲假照案內人犯委員解京審辦摺子

訪獲積慣訟棍審擬摺子

嚴查回空糧船夾帶私鹽摺子

已革蹠防武弁請免畱緝摺子

覆奏巨梟投首引拏私販摺子

敬陳鹽務積弊摺片

籌款生息買補洋銅摺子

恭報交卸督篆摺子

兼署總督印務加 宮保銜謝

恩摺子

奏爲恭謝

天恩仰祈

聖鑒事竊照督臣 蔣攸鉉因病告假兩月所有兩江

總督印務

奏交臣暫行兼署於六月二十日委員賚送

欽頒總督關防併文案卷宗等項前來臣當卽恭設

香案望

闕叩頭祇領同日適由遞接到道光十年六月十

西漢書卷之三十六

一日內閣欽奉

上諭一道以臣緝獲假照案內要犯仰蒙特旨賞加太子少保銜聞

命之下感悚交增

恩光來一日之中迥非夢想喜氣迓三江之表彌切  
臣兢懷伏念質本凡庸才尤鴦鈍過蒙

知遇承乏封疆復叨總制之兼權載荷崇銜之

晉錫連圻任重雖暫攝而姦負肩孱列棘班清幸附  
綏而鴛聯隊肅記十載江沿上下馳驅絕少微

勞惟

九重念切東南

眷倚頻煩典數現在地方教謐陽兩均調惟河工秋  
汛將臨漕艘回空亦近畿籌捕務尙待經營

臣

惟有殫盡愚誠益加奮勉與督臣及諸同寅遇  
事籌商妥辦務極審詳不敢因暫署而稍涉踈  
虞致負再三之

渥寵庶幾竭寸忱而勉圖報稱冀酬萬一於

鴻慈所有

微臣

感激下忱謹繕摺恭謝

天恩伏乞

皇上聖鑒謹

奏

道光十年六月二十四日具

奏七月二十三日奉到

硃批覽欽此

飭拏假照案內餘犯摺片

再臣於六月十八二十等日承准軍機處字寄欽奉

諭旨飭將假照案內攬捐之高敦仁及在逃之蔡應聯姚鳳山謝孚宸嚴拏務獲解京審辦等因臣查蔡應聯等三犯前後奉

旨飭拏卽經臣派員分路偵緝通飭文武按地稽查併因該犯等蹤蹟詭密或於蔡繩祖任松宇劉東昇解京時在途探聽消息即可從此掩捕當經長洲縣陳經元和縣楊承湛等各派家丁逐

程跟送密覘直抵東境始復折回偵緝其分派各路之員或購線蹤追或改裝訪緝均未鬆勁茲又有高敦仁應拏復經添委幹員飭緝總期與蔡應聯等迅速就獲不使一名漏網現奉

恩旨將獲犯之張心淵顧毓奇金寶山送部引

見施及微勞委員等倍形奮勉一俟各犯就獲謹卽

遵

旨解京審辦斷不敢稍有疎懈致切

宸廑謹附片覆

奏伏乞

聖鑒謹

奏

道光十年六月二十四日具

奏七月二十三日奉到

硃批知道了欽此

太湖廳紳士捐挑鵝鴨河工竣請獎摺子

奏爲太湖廳東山紳士捐挑鵝鴨河等處水利要工完竣仰懇

聖恩給予議敘以資鼓勵事竊照蘇省財賦之區最重水利而太湖居三江上游尤關緊要前據太  
湖廳同知劉鴻翔具稟廳境鵝鴨河舊道併歷  
議未辦之黃洋灣大缺口一帶及白浮頭水門  
南北望等處河道皆係舟楫經行利田蓄水之  
要區久已淤塞亟應認真挑辦俾資暢達又南  
北望河口應行堅築石堤白浮門等處應築石

口小北湖沿灘至鷺鷥河港岸應行添築石塘  
以資捍衛等情當經臣飭委吳縣知縣熊傳栗  
會同勘估併據該同知捐廉首倡紳士等皆踴  
躍捐輸鳩工力作自本年正月起至閏四月杪  
止將應挑應築各處一律辦竣經臣乘坐小舟  
親赴洞庭東山驗收周歷湖河上下堤港所挑  
各處均極深通堤工亦俱堅固整齊統計各工  
其長五千七百四丈挑土七萬四千六百四十  
五方零又建築石塘石口工長一千四百一十  
六丈合算青鐵黃石一千八百五十四方零總

計實用土方夫工併石料椿木等銀一萬五千  
一百十一兩有奇均係該紳董等捐辦並未動  
項開銷據蘇州布政使梁章鉅查明捐數較多  
經理出力之紳士及督辦妥洽之地方官詳請  
具

奏獎勵前來

臣

查太湖廳之鷗鷺河黃洋灣等處

本係洞庭東山由內港直達蘇城要道該廳地  
踞湖中山民貨物一切由此通舟來往自鷗鷺  
河淤改由外湖經涉風濤四十餘里之險其大  
缺口自浮頭爲西北諸湖下達南湖之咽喉遠

承浙江七十二港之水滙而北注一經阻塞旱澆堪虞而山後之南北望吳瀆油車諸港尤藉湖水灌溉均屬該境必不可緩之工前此陞道羅琦在太湖任內亦曾挑浚鵝鴨河因工費不繼未及完工茲該同知劉鴻翱督同紳士捐銀至一萬五千餘兩於該境應辦工程一律全竣水利農田大有裨益自應酌請獎敘以昭激勸查定例凡士民人等捐修公所實於地方有裨益者捐銀至千兩以上請

旨建坊不及千兩者交地方官給匾如有應行

旌表而情願議敘者由吏部核議等因此案捐銀各  
戶除三百兩以下者由該廳就近獎勵外所有  
捐銀一千兩之加二級請封布政司理問銜葉  
長祉布政司經歷銜葉國均舉人加捐郎中銜  
葉長福捐銀七百兩之監生朱鳳岡捐銀五百  
兩之孝廉方正嚴晉現任河南下北河同知加  
知府銜朱長垣候選知州王熙文捐銀三百兩  
以上之職監周奕鑑潘良效捐銀三百兩之候  
選州吏目劉運葵均屬急公出力內葉長福駐  
局經理收支稽核尤爲詳慎以上各紳士仰懇

聖恩俯准交部分別議敘又總理工務之候選鹽運  
司運副徐學巽捐銀四千四十九兩零不特捐  
數倍多且係該紳首倡善舉跋涉經營風雨不  
避尤爲殫心盡力併查該廳興辦義倉亦由該  
紳首先捐穀一千二百餘石之多始克集事允  
爲好義急公應請

加恩從優議敘太湖廳同知劉鴻翔篤實清勤盡心  
民事其勸捐義倉一案經臣奏請

聖恩交部議敘尚未接准部覆此案挑河築堤各工  
尤爲該境要務該員勸捐有成諸臻妥善其平

時居官辦事亦俱廉正可靠可否仰乞

天恩賞加知府銜以爲實心任事者勸太湖廳司獄  
馮步瀛勸捐督工亦極出力併懇

聖恩交部從優議敘以示鼓勵此項係民捐民辦之  
工請免造冊報銷除紳士履歷清冊查取咨部  
外理合恭摺具

奏伏乞

皇上聖鑒訓示施行再此案應會列督臣銜名今臣  
兼署督篆毋庸會銜合併陳明謹

奏

道光十年六月二十四日具

奏七月二十三日奉到

硃批另有旨欽此又同日奉到道光十年七月初九  
日內閣奉

上諭陶澍奏太湖廳東山紳士捐挑鵝鴨河等處工  
竣懇恩鼓勵一摺江蘇省太湖廳境內鵝鴨河等  
處河道久淤該處紳士捐銀挑竣併添築堤岸等  
工經該撫驗收一律完竣於水利農田大有裨益  
自應量予恩施着照所請所有捐銀一千兩之加  
二級請封布政司理問銜葉長祉布政司經歷銜

葉國均舉人加捐郎中銜葉長福捐銀七百兩之  
監生朱鳳岡捐銀五百兩之孝廉方正嚴晉現任  
河南下北河同知加知府銜朱長垣候選知州王  
熙文捐銀三百兩以上之職監周奕鑑潘良效捐  
銀三百兩之候選州吏目劉運葵均着交部分別  
議敘又總理工務之候選鹽運司運副徐學與首  
倡善舉捐銀四千四十餘兩併興辦義倉捐穀一  
千二百餘石尤爲急公好義着交部從優議敘太  
湖廳同知劉鴻翔勸捐有成辦事認眞着加恩賞  
加知府銜太湖廳司獄馮步瀛勸捐督工亦屬出

力着交部從優議敘此項係民捐民辦之工着免  
其造冊報銷該部知道欽此

溧陽縣士民捐挑河道工竣請敘摺子

奏爲溧陽縣士民捐挑河道工竣懇請議敘以資鼓勵仰祈

聖鑒事竊照江蘇省溧陽縣境三塔蕩內大河一道上通安徽下達蘇杭爲七省商民船隻往來要津其兩旁支港尤爲灌漑田疇水路歷年久遠從未興挑以致逐節壅塞商賈往來阻隔田畝旱澆無備道光九年經溧陽縣知縣吳亮祖倡捐廉銀勸諭興挑遴委縣丞陳鴻慶專司其事據董事監生劉英才等呈稱該河工長三十里

應挑底寬二丈四尺深三尺河堤上口寬濶四五丈不等經費浩繁近河各村居民及董事等各願捐資集夫與挑於九年八月二十四日開工起至九月二十六日止通工挑竣驗明一律深通所有各村公捐及各董事捐挑共用銀五萬四百六兩六錢由縣詳報經臣批行藩司查明詳辦去後茲據蘇州藩司梁章鉅轉據該管道府詳稱前項挑河經費浩大近河各村民捐輸十分之五尙有一半工程係董事劉英才等認捐該董事等踴躍急公洵屬可嘉溧陽縣知

縣吳亮祖倡捐興辦縣丞陳鴻慶晝夜在工專任其勞妥速完竣均屬實心出力應請分別議敘以示鼓勵詳請具

奏前來臣查定例凡士民人等捐修橋梁道路於地方有裨益者捐銀至千兩以上請

旨建坊如有應行

旌表而情願議敘者由吏部核議等語今溧陽縣三塔蕩內河道係來往通津商賈農田均資利賴該士民等捐銀至五萬餘兩一律挑濬深通洵屬急公好義除近洞各村民捐辦挑工一半由

縣給匾獎勵外所有捐銀二千五百兩以上之監生劉英才二千兩以上之童生劉庚芮吉甫民人姚泗東一千兩以上之增生湯汝翼監生劉瀛童生彭軼羣蔣銘虞萬鵬張方來湯奕魁薛萬程王鴻聲民人王浩元韋曰義五百兩以上之童生湯越民人劉英銳仰懇

天恩飭部議敘查照銀數多寡分別給予職銜頂戴此案工段較長勸捐銀數多至五萬餘兩溧陽縣知縣吳亮祖溧陽縣縣丞陳鴻慶勸捐督工諸屬格外出力併懇

聖恩一併交部從優議敘以示鼓勵此項挑河經費  
係士民捐辦併請免其報銷除將捐輸姓名履  
歷造冊咨部外理合恭摺具

奏伏乞

皇上聖鑒訓示施行再此案應會列督臣銜名今臣  
兼署督篆毋庸會銜合併陳明謹

奏

道光十年六月二十四日具

奏七月二十三日奉到

硃批另有旨欽此又同日奉到道光十年七月初九

日內閣奉

上諭陶澍奏士民捐挑河道工竣懇請議敘一摺江蘇溧陽縣三塔蕩內河道係來往通津商賈農田均資利賴據陶澍查明該處士民等捐銀挑濬尙屬急公着照所請將捐銀二千五百兩以上之監生劉英才二千兩以上之童生劉庚芮吉甫民人姚泗東一千兩以上之增生湯汝翼監生劉瀛童生彭軼羣蔣銘虞萬鵬張方來湯奕魁薛萬程王鴻聲民人王浩元韋曰義五百兩以上之童生湯越民人劉英銳均着交部議敘查照銀數多寡分

別給予職銜頂帶溧陽縣知縣吳亮祖溧陽縣縣  
丞陳鴻慶勸捐督工均屬出力俱着交部從優議  
敘此項挑河經費係士民捐辦併着免其報銷該  
部知道欽此

續獲假照案內人犯委員解京審辦摺子

奏爲遵

旨拏獲假照案內人犯委員解部審辦恭摺覆

奏仰祈

聖鑒事竊臣於七月十一日承准軍機處字寄七月

初二日欽奉

諭旨托津等審訊假照案內有代蔡繩祖在坊官衙門說情之浙江人徐二卽徐光祖據伊子徐松年供稱該犯現在江蘇松太道衙門派伊管理軍功船廠事務又據各犯供稱已滿刑部堂書馬大卽

馬懷玉又名馬鑑該犯亦有假印現在蘇州閻門  
內居住著陶澍卽派委妥員將該二犯嚴密查拏  
迅速解交刑部歸案審辦毋稍疎縱將此諭令知  
之欽此臣卽日遴委候補布政司理問蔡立德金  
壇縣縣丞謝元淮星夜馳抵上海地方會同蘇  
松太道陸蔭奎將徐光祖卽徐二獲住併據該  
道派令家丁押送來省臣比卽提訊據徐光祖  
供年四十一歲浙江餘姚人從前在中城副指  
揮熊常銑處充當門丁改名徐鴻薦隨上海道  
到松上年有安徽人曹姓在坊控告蔡繩祖欠

銀之案本官傳訊尙未到案隨後有開啟豐錢  
鋪之余姓於四月內不記得日期向伊告知他  
們訟事已經和息併送來銀票交伊要轉送本  
官適本官外出回來時伊將前情告知本官不  
依吆喝叫伊作速送還伊當將原票交還余姓  
錢鋪後來余姓送還何人伊不知道等供查該  
犯所供係一面之辭現無質證應遵

旨解京歸案質訊臣已委試用府經歷顧毓奇押赴  
刑部收審至馬懷玉一犯與蔡應聯一同潛逃

前經附片

奏明在案其時假照各犯蘇城尙無所聞迨五月十九日臣接奉

密旨飭拏蔡應聯而該犯已於五月十三日同馬懷玉逃走彼時蘇州府縣同赴敦厚堂客寓查明有葉漢懷於五月十二日由浙來蘇卽到客寓與馬懷玉密談良久次日馬懷玉蔡應聯卽匆忙逃去口稱要往揚州找人迨臣謹委幹員追捕併經臬司及府縣派人赴揚州城內外搜緝無蹤其爲葉漢懷報信令其逃走毫無疑義經長洲元和吳縣知縣陳經楊承湛熊傳栗等將

該犯拏獲併獲代馬懷玉送家眷赴京之沈邦希由蘇州府知府蘇廷玉訊稟前來

臣復面加

研問據葉漢懷供稱在京開設恒豐錢舖上年冬底回南今年五月初六日由本籍慈谿到浙江省城見蔡繩祖被獲卽於十二日抵蘇密告馬懷玉伊與蔡應聯次日卽行逃走屬實其沈邦希一名訊因與馬懷玉相好馬懷玉於二月來蘇攜有家眷說現在分發廣西旋回浙江向葉漢懷借奏路費一去不來其家眷在蘇乏用要回京師央伊送至前門外校尉營交與馬懷

玉妻父王珊家內伊於五月十七日回蘇馬懷  
玉已先於十三日自蘇起身去了在路並未遇  
見聞說他有姊夫吳廷芳現任湖南湘鄉縣典  
史又有相好姓葛叫不出名字從前在京城西  
草廡衙門開客寓現捐通判分發不知何省他  
家住在河間府富新莊往南村莊似是阜寧縣  
地而王珊的家人名叫外張在路時曾到他家  
借過盤費而今馬懷玉或是往此兩處也未可  
知等語除卽據供飛咨湖南直隸一體緝拏一  
面將沈邦希及訪獲代蔡應聯馬懷玉尋寓之

袁寅東併交府縣分別收管留備偵緝又長元  
吳三縣拏獲姚鳳山胞叔姚麟書究訊姚鳳山  
蹤蹟據稱十餘年來併未見過現亦交府縣取  
保押令跟緝其葉漢懷一名旣密與馬懷玉報  
繕致令逃走且在京曾聞恒豐錢舖與馬懷玉  
諱相熟識現訊以各犯所在堅稱不知難保無  
移同作弊情事現委候補知縣景昌管押同徐  
光祖一併解京聽候部審所有遵

旨查拏要犯委押赴部緣由謹恭摺覆

奏伏乞

皇上聖鑒謹

奏

道光十年七月十八日具

奏八月十八日奉到

硃批查拏甚屬認真另有旨欽此同日軍機寄信已

奉

諭旨分飭直隸湖南查辦矣

訪獲積慣訟棍審擬摺子

奏爲訪獲積慣訟棍照例取具衆證情狀定擬請旨仰祈

聖鑒事竊

臣

訪有無錫縣監生鮑熙素非善類在各

處包攬詞訟播弄鄉愚假捏重情誇張變幻一

切呈詞多出其手大爲地方之害當經密札該

縣嚴拏懲辦去後卽據無錫縣知縣陳用珩將

鮑熙拏獲訊認唆令吳旭等與訟併代爲作詞

屬實詳請革究又經批司提省審辦茲據蘇州

府知府蘇廷玉等屢訊各證俱稱鮑熙積慣唆

訟惟鮑熙頓翻前供狡不承認詳由臬司衍慶  
覆審解勘前來

臣

親提犯證悉心研鞫緣鮑熙

卽鮑香海本係無錫縣生員因欠考斥革報捐

監生平素不安本分生事奸訟曾於道光三年

經前臬司訪聞飭拏獲案解經常州府審得鮑

熙於嘉慶十年及十一十六等年在縣混控棧

商重斤併高二桂等窩娼開賭三案又教令丁

朝彩控告丁照與堂妹通姦一案又十二十五

十六二十四等年或有訐控牽涉鮑熙或有具

控鮑熙行毆及姦占等案共計九起因事犯均

在嘉慶二十五年八月二十七日欽奉

恩詔以前併據鮑熙供願改悔詳准省釋又道光二年六月有過元茂與弟過全觀分產不均控縣斷結鮑熙卽唆使過全觀赴府翻控旋經族親調處詳銷過元茂以鮑熙唆弟擾累心懷不甘因其積慣訟棍慮恐記恨未敢控告又三年正月有楊金寶盜賣墳地被弟婦楊謝氏控發鮑熙得錢賄和楊謝氏不依經縣勘結又是年六月有錢謙山與劉保和控爭糧地鮑熙爲劉保和主訟錢謙山赴府控告批縣訊結又四年閏

七月有季阿喜藉荒强借經陳士鳳赴司具控  
鮑熙代捏訴詞批縣訊明責處詳結以上數案  
鮑熙均匿不赴案又六年三月有高蓉香具控  
高申圖賴欠項鮑熙從中挑弄爲其作札代討  
經縣訊追結案又是年八月有莫履芳赴府控  
告唐三盜賣墳地鮑熙行賄勒息批縣提訊未  
結又七年四月有吳曜向弟吳旭回贖魚池不  
允控縣提訊鮑熙代吳旭作詞飾訴卽經親族  
處息呈銷又有蔣趙氏夫亡改嫁係氏夫伯母  
蔣賈氏主婚時趙氏舊姑蔣徐氏先因不安於

室被翁休回以趙氏再醮未曾分錢心生氣忿  
向表姪許春泉告知許春泉轉向鮑熙談及鮑  
熙圓分財禮唆令許春泉捏頂蔣徐氏之名於  
八年九月以蔣賈氏將趙氏拋醮等詞赴府混  
控批縣提訊未結迨臣訪聞飭拏該縣暨臬司

已先行訪查鮑熙到案訊供招告有該縣監生  
高雲城之弟高尙林於嘉慶十六年間因被強  
慶春等索欠威逼投水身死報縣驗訊詳辦鮑  
熙卽教唆高雲城上控高雲城誤聽唆使屢次  
控告以致拖累多年耗費財產事後悔恨交加

又恐鮑熙貽害彼時不敢出首及聞招告卽以前情控縣併將所獲鮑熙親筆代作他人詞底十一紙一併呈出其時過元茂亦赴

臣

衙門具

控飭提委審僉供如前此鮑熙怙惡不悛迭次播弄搆訟之情狀也

臣

提證覆鞠各供歷歷如繪訊之鮑熙惟認從前爲人書寫詞狀得受酬

謝自道光三年訪拏以後未曾唆訟作詞所有

過全觀等名案均狡不承認詰以高雲城所呈詞底係其親筆有何置辯併查高蓉香案內有高申呈出鮑熙手札一紙內有屈駕來城不可

稍延弟與兄係幹事之人自然呼吸相應凡了  
結後其清收票在弟身上决不食言等語是其  
串唆圖詐情已顯然更有何說該犯無詞可對  
倚恃老憲仍不成招伏查該犯鮑熙親筆詞底  
或隱匿姓名或不書年月或故作隱語當其作  
詞時已預留敗露狡賴地步見威情形種種畢  
現今被誣者已交口指摘聽唆者又盡情吐露  
該犯希圖脫罪屢訊不承實爲刁狡之尤未便  
稍從寬貸應卽據供定罪以除民害查例載積  
慣訟棍搆弄鄉愚一經審實卽依棍徒生事擾

害例問發雲貴兩廣極邊烟瘴充軍又審辦案  
件有實在刁健堅不成招者卽具衆證情狀奏  
請

定奪各等語此案鮑熙於唆訟訪獲遇

赦省釋後竝不改悔屢次播弄過全觀等捏情訐控  
實屬積慣訟棍應按例問擬已革監生鮑熙合  
依積慣訟棍播弄鄉愚發雲貴兩廣極邊烟瘴  
充軍例應發雲貴兩廣極邊烟瘴充軍到配杖  
一百折責安置追照繳銷惟該犯堅不承招仍  
照例取具衆證情狀請

旨定奪過全觀等聽唆具控皆由鮑熙恩弄所致請  
免置議高雲城所呈鮑熙詞底案結塗銷未結  
各案飭縣就近分別訊斷另行詳辦無干省釋  
未到人證併免提質以省拖累除供招咨部查  
核外合將審擬緣由恭摺具

奏伏乞

皇上聖鑒訓示謹

奏

道光十年七月十八日具

奏八月十八日奉到

硃批刑部議奏欽此十月十一日准

刑部咨陞任江蘇巡撫陶澍奏訪獲無錫縣監  
生鮑熙係積慣訟棍照例取具衆証情狀定擬  
一招查例載積慣訟棍播弄鄉愚一經審定卽  
依捉徒生事擾害例問雲貴兩廣極邊烟瘴充  
軍又審辦案件有實在刁健堅不承招者取衆  
証情狀奏請

定奪各等語此案已革監生鮑熙於唆訟訪獲遇  
赦省釋後並不改悔復又屢次播弄過全觀等捏情  
訟併查出該犯親筆代作詞底及手札等件

實屬積慣訟棍自應按例問擬應如該撫所奏  
鮑熙合依積慣棍徒播弄鄉愚發雲貴兩廣極  
邊烟瘴充軍到配杖一百折責安置追照繳銷  
惟該犯堅不承招仍照例取具衆証情狀請

旨定奪該撫奏稱過全觀等聽唆具控皆由鮑熙愚  
弄所致請免置議高雲城所呈鮑熙呈底案結  
塗銷未結各案飭縣就近分別訊斷另行詳辦  
無干省釋未到人証併免提質以省拖累等語  
均應如該撫所奏完結再此案於道光十年八  
月初七日抄出到部合併聲明所有臣等議奏

緣由理合恭摺具奏請

旨道光十年九月十一日奉

旨此案江蘇無錫縣已革監生鮑熙於唆訟訪獲遇  
赦省釋後不知改悔復屢次播弄過全觀等捏情  
評控併查出親筆憑據實屬積慣訟棍著照例發  
雲貴兩廣極邊烟瘴充軍到配杖一百折責安置  
餘依議欽此

嚴查回空糧船夾帶私鹽摺子

奏爲回空糧船夾帶私鹽遵

旨嚴密查緝恭摺覆

奏仰祈

聖鑒事竊臣承准軍機處字寄道光十年六月初五

日奉

上諭據御史朱壬林奏私鹽侵佔淮綱最甚而爲害尤深者莫如糧私糧船收買蘆鹽以及高寶興化地棍屯積私鹽每船約計千餘石沿途售賣各岸均被佔銷請飭實力籌辦等語自係實在情形全

在文武官弁不分畛域隨時嚴密稽查有犯必懲  
方足以挽積疲而收實效著督飭所屬於回空漕  
船過境時實力查辦不得仍前得規賣放併藉詞  
兌漕期迫有意縱容總須私鹽歛戢官引暢銷斷  
不可視爲其文仍致有名無實等因欽此當卽恭

錄咨行欽遵

臣

查糧船每年回空之時夾帶私

鹽沿途售賣實爲淮綱之害迭經督

臣

蔣攸鉉

嚴飭河右揚州及經過各營併札淮揚等府督

飭各屬於本管境內嚴密搜查不任私鹽上船  
亦不任藏匿偷漏實已三令五申而此風未能

盡除臣思糧船夾帶非蘆私卽淮私而蘆鹽價  
值較賤故所帶尤多一入江境卽係淮北淮南  
地方爲商人辦鹽之所丁舵人等盜買私載實  
繁有徒其中固多積慣窩固之匪類爲之包攬  
暗運而不肖之商店與商夥商廝乘機偷賣分  
肥貪小利而不顧大局者蓋亦不少且糧船旅  
丁本多計利之徒近來水手尤橫旅丁不能管  
束甚至將船上器物私行抵給水手任其管駕  
頭舵盡係若輩往往無旅丁在船一經查拏大  
則聚衆拒捕小則棄船走散一船停擋衆船窒

不能前無論催儱不力地方例有處分而漕糧  
冬兌冬開斷不能久立而待糧私悉此情形是  
以挾持無恐動肆鴟張茲奉

諭旨查辦

臣

現在飛咨直隸天津一帶嚴禁盜賣以

清糧船夾私之源竝咨明兩淮鹽政將商店商

廩等盜賣販私之弊嚴行查禁庶幾正已正人

俾匪徒無所藉口仍嚴查沿河兵役人等毋許

得規包庇有犯必懲竝隨時知會安徽江西湖

廣等處聲息聯絡倘糧船中有大夥帶私者卽

當一體兜拏其水手人等如敢仍蹈故轍停船

走散竟當窮追拏辦隨案聲免催償遲延處分  
以期堵截嚴懲庶糧私可期歛戢官引自益暢  
銷仰副

聖主整頓鹺務之至意所有遵

旨嚴查糧私並預陳辦理情形謹繕摺覆

奏伏乞

皇上聖鑒謹

奏

道光十年七月十八日具

奏八月十八日奉到

珠批知道了欽此

已革疎防武弁請免畱緝摺子

奏爲已革疎防巡洋各武弁畱緝已久可否免其畱緝恭摺奏祈

聖鑒事竊照蘇松鎮標原署左營遊擊中營守備陳長泰右營把總繆宗亮川沙營千總徐長清把總毛廷耀前於道光四年巡洋期內疎防崇明縣事主姚永芳顧咸泰寶山縣事主孫翼如商船在洋被劫經前督臣魏元煜

奏請摘去頂戴勒限嚴拏因承緝年餘盜犯無獲又經前督臣琦善請

旨將原叅署遊擊守備陳長泰等革職畱於外洋協

緝在案嗣據蘇松鎮總兵關天培以已革守備

陳長泰等畱緝已逾四年資斧實屬不繼內已

革千總徐長清於畱緝期內曾另獲搶鹽及販

私人犯二十餘名尙知愧奮可否將陳長泰等

一併免其畱緝徐長清附請酌核等情經督臣

蔣攸銛咨准部覆內開查奉

旨留於地方協緝者幾年銷案旣無定例亦無成案

行令自行酌量具

奏至徐長清於畱緝後掣獲另案首夥各犯功過

是否可抵亦自行照例辦理等因復又飭司覆  
議去後旋據江蘇臬司衍慶詳稱查陳長泰等  
於道光四年巡洋期內失察商船在洋被劫革  
職畱緝届今已逾四年雖未緝獲本案盜犯而  
徐長清曾獲有另案人犯二十餘名尙屬畱心  
探緝且究係從前一時疎防竝非有心怠玩應  
請將陳長泰等一併免其畱緝徐長清獲犯多  
名皆屬另案功過固不足相抵但究與一犯無  
獲者有間似可酌量畱營呈請具

奏前來臣查武藏承緝外洋盜案四叅限滿無獲

例止降調並無畱緝之案前督臣琦善將陳長泰等叅革畱於外洋協緝原屬從嚴辦理今叅限已逾儘足示儆而資斧無措亦屬實情可否將陳長泰繆宗亮徐長清毛廷耀一併免其畱緝之處恭候

訓示遵行如蒙

允准徐長清於畱緝期內拏獲搶鹽販私人犯多名雖功過不足相抵而巡緝究屬畱心尙可畱營補食名糧以觀後效臣謹會同江蘇提督臣王

應鳳合詞恭摺具

奏伏乞

皇上聖鑒訓示謹

奏

道光十年七月十八日具

奏八月十八日奉到

硃批另有旨欽此同日奉到道光十年八月初三日

內閣奉

上諭陶澍奏已革疎防巡洋之守備陳長泰等四員  
請免畱緝一摺着兵部查明具奏再降諭旨欽此

道光十年九月十五日准

兵部咨職方司案呈內閣抄出本部具奏已革  
疎防巡洋之江蘇守備陳長泰等可否免其畱  
緝等因一摺道光十年八月十一日具奏本日  
奉

旨此案已革疎防巡洋之守備陳長泰把總繆宗亮  
千總徐長清把總毛廷耀畱緝多年案犯無獲徐  
長清雖拏獲別案人犯功過亦不足相抵惟據陶  
澍查明該革弁等畱緝已久叅限早已完結陳長  
泰繆宗亮毛廷耀俱著免其畱緝徐長清著准其  
畱營補食名糧以觀後效欽此欽遵抄出到部除

將已革守備陳長泰把總繆宗亮千總徐長清  
把總毛廷耀俱著免其留緝徐長清准其留營  
補食名糧以觀後效之處註冊外相應咨行該  
督欽遵查照至守備陳長泰業經欽奉  
諭旨免其留緝其身兼雲騎尉世職應令該督查明  
各部到日再行核辦可也

覆奏巨梟投首引拏私販招子

奏爲遵

旨據實覆

奏仰祈

聖鑒事竊臣承准軍機大臣字寄道光十年七月十

六日奉

上諭前據蔣攸銛等奏儀徵巨梟黃玉林熟習販私  
路徑又與梟徒相識帶同夥犯船隻赴官投首自  
願隨同官弁引拏私梟効力贖罪適當嚴務凋弊  
之時靖私尤爲緊要是以姑允所請原係權宜辦

理惟自五月間降旨之後至今將及兩月未據該督等將如何責令緝私銷引有無起色及其夥黨等若何安置稽查詳悉具奏此等梟徒原非善類如果實能引緝私販使官引得以暢銷自可寬其既往若日久竝無成效不過該犯等冀圖苟免卽當另行籌辦豈容稍涉顧預致失政體陶澍現以巡撫兼署總督有管理鹽務之責務將現在緝私銷引情形及將來於鹾務有無裨益竝該犯等應如何妥爲安置不致別滋事端之處據實由驛覆奏如此事辦理未能妥協旣無成效可圖又使奸

徒無所儆畏或致養癰貽患該署督自問咎將誰  
屬凜之慎之將此諭令知之欽此仰見我

皇上於破格施恩之中寓慮遠防微之意跪誦之下

欽服難名臣吉黃玉林一犯原係儀徵販私流

犯在配逃回復販私鹽適見兩淮運使王鳳生

所出售示有販私之人准其自首免罪之語該

犯卽帶同夥犯伍步雲等併船鹽赴官自首情

願隨同官弁引挈梟犯贖罪運使王鳳生因其

情詞懇切兼查道光五年掣辦巨梟賀三虎卽

係該犯指引其悔罪之念已久現係逃流販私

竝無結黨拒捕之案照例僅止改發充軍既已  
投首尚知畏法且多識梟徒於販私路徑較熟  
以梟捕梟足資引線當據詳請具

奏諭懇

恩施冀收緝私之益自該犯投首後陸續多有聞風  
投首之人在運司處聽候指使前於六月十一  
日據該犯等探知老河彙地方有私船停泊卽  
稟知委員候補運判石產瑚等通知營縣趕往  
會拏該犯黃玉林先已至彼潛蹤守候指明泊  
岸船埠內載私各船一齊擁上拏拏各私梟猝

出不意紛紛赴水逃逸當獲梟犯李玉良李喬  
周散正標王庭樞張二顧大徐正明王三張政  
遠薛得富廖習順黃興鰲等十二名獲大小船  
十一隻並在各船起出私鹽一百七十包搜獲  
鎗刀火藥鎗子等項現由儀徵縣確審究辦在  
案是該犯於自首後指挾梟匪尙知圖奮兩月  
以來亦俱安靜守法茲未別滋事端其陸續投  
首之人據運司詳報查明有業者一百七十名  
無業者二百四十三名擬擇其足資緝私者酌  
畱鹽務充巡其餘分別編入營伍保甲其各自

謀生願回原籍者聽倘敢自外生成仍圖販私  
無難立卽擒拏加倍懲治寘以重典惟是兩淮  
鹹務敝壞已極弊端不一實不止私販一節是  
以一時難期起色卽以私販而論亦不止黃玉  
林一起此等無籍匪徒趨利圖食聚散無常現  
在准其自首誠如

聖諭係屬權宜辦理不過收一起可省一起之緝捕  
藉以散其黨羽而於鹽引之銷否尙不能專恃  
乎此至該犯等本非善類實亦庸劣無他技能  
該運司欲暫資引緝仍當飭令嚴行管束俾資

警惕臣仰蒙

聖主深恩委任以巡撫兼署總督責無旁貸惟有隨時隨事咨商鹽臣茲督率運司寬嚴交濟設法維持一切條款俟運司妥議詳到由鹽臣會商另奏臣斷不敢輕率遷就致失政體亦斷不肅養辦賙患自蹈愆尤所有謙務投首各犯現在情形謹據實遵

旨由驛覆

奏伏乞

皇上聖鑒謹

奏

道光十年七月二十八日具

奏八月十七日奉到

硃批另有旨畱覽夾片一件欽此

敬陳鹽務積弊摺片

再臣查鹽務紛繁弊端不一如印本賀票貼息套搭皆弊混之尤者不肖奸商巧立名目借端開銷以致庫本全空課項目纏竟有積重難返之勢卽如商人辦運所有引課場價運腳使費一切併計謂之成本內有商人缺底一項名爲根窩每引取票銀一兩每年按引卽須銀一百六十九萬有餘歸於底商先

國課而坐收其利其餘則浮費居多每由總商開銷取之散商名爲辦公而實不知其名目盈千

累萬任意攤派此類甚多成本安得不重成本既重則售價必昂而私梟由此起矣如漢鎮爲銷鹽第一口岸鹽價每觔需錢四五十文迨分運各處銷售近者六七十文遠者竟需八九十文不等其實鹽務成本首重正課其次則場價計每引配鹽三百七十四觔僅徵正課銀一兩至數錢零不等其硃單雜課亦僅徵一二錢不等計算場價每鹽一觔不及十文而轉銷各處竟至數十倍之價且有攏和汙泥雜入皂莢蛤灰等弊鹽質更差以致江廣之民膏血盡竭於

鹽貧家小戶往往有兼旬彌月堅忍淡食不知  
鹽味者而鄰私乃乘機灌入此非私販之銷售  
能勝於官賣由鹽價太昂有以致之也至於儀  
徵一帶爲捆鹽之場奸商與商廝難免私行夾  
帶江船水手從而效尤而私梟亦因以罔所顧  
忌其實私梟所販之鹽卽係場竈所產之鹽如  
果商人能收買餘鹽何致有私鹽可販祇因商  
不能收而竈戶窮困偶有透漏以資朝夕遂致  
展轉負載積少成多而無貲本無身家之匪徒  
聚而成梟幸此輩多係烏合見利則趨聞掣則

散現在知縣王用賓署遊擊金萬全皆練於緝  
捕之人梟徒警畏自六月內黃玉林指拏各犯  
以後紛紛逃散地方尙屬靖謐惟鹽務拔本塞  
源必須革去奸商另招殷實而殷實之商又必  
須明定章程刪除浮費使不受總商攤派之累  
然後肯來前與運司諱切言之當可次第整理  
合併附片具陳伏乞

聖鑒謹

奏

道光十年七月二十八日附片具

奏八月十七日奉到

硃批另有旨欽此

道光十年八月十七日承准

軍機大臣字寄署兩江總督江蘇巡撫陶澍傳  
諭兩淮鹽政福森道光十年八月初八日奉  
上諭陶澍覆奏兩淮鹾務投首各犯現在情形一摺  
儀徵鹽梟黃玉林據陶澍查明自投首後兩月以  
來尙屬安靜守法亦未別滋事端竝拏獲梟犯李  
玉良等十二名且有聞風投首多人陸續在運司  
處聽候指使擬擇其足資緝私者酌畱鹽務充巡

其餘分別編入營伍保甲等語兩淮鹾務敝壞已極原不止私販一節卽以私販而論亦不止黃玉林一起前此准令黃玉林效力自贖原係權宜辦理若因有自首免罪之條遂將販私之人紛紛招集成何政體且現在黃玉林等一起陶澍等已不能妥爲安置倘再有心招致日積日多又將如何安插黃玉林一犯本有應發原配流罪其夥犯伍步雲等八名隨同販私不記次數効數亦有應得之罪現已准令指引緝私卽能挾獲巨窩積梟官引得以暢銷亦祇可寬其旣往不能冀倅格外恩

施卽入伍食糧亦斷不准行如但圖苟免不能立功自贖仍當從重加等治罪陶澍等務當隨時體察籌計萬全斷不可遷就一時遇有投首者濫行收納使奸徒無所倣畏倘辦理未能妥協於鹾務旣無裨益轉致養癰貽患別滋事端陶澍等自問當得何咎凜之慎之至商人旣充總商卽當一體辦運若竝不辦運復藉辦公爲名攤派散商所獲之利轉加於辦運者數倍乘機壟斷不可不嚴行飭禁該處總商鄒同裕鮑有恒據陶澍奏均不辦運著卽行革退不准暗中影射身後辦事陶澍等

卽督飭運司另招殷實之商充補茲明定章程嗣除浮費以肅鹾政將此諭知陶澍竝傳諭福森知之欽此

籌款生息買補洋銅摺子

奏爲寶蘇局年額洋銅不敷籌款發典生息採買  
抵補恭摺

奏祈

聖鑒事竊照寶蘇局鑄錢年額洋銅不敷向於江西  
省額銅內每年劃撥銅一萬五千觔以濟鼓鑄  
自道光六年起仍歸江西支用不能劃撥是以  
蘇省鼓鑄案內每年缺少洋銅一萬一千六百  
三十餘觔商人不能額外添辦議於蘇州就近  
採買因市間紅銅時價每百觔需錢二十六串

四百文除照官商洋銅每百觔例銷銅價銀十二兩外每年計不敷錢一千五百三十餘串前據蘇州藩司轉據寶蘇局監督詳請以爐頭借支工料案內已歸四次本錢一萬三千二百串發典生息以息錢作爲銅價不敷之用當經咨准部覆以爐頭前借工料原議分限二十年歸清係屬

奏定章程未便據咨覈准等因卽經轉行議詳去後茲據蘇州布政使梁章鉅江蘇按察使衍慶會詳稱寶蘇局在蘇採買紅銅察訪時價每年

實不敷錢一千五百三十餘串此係按年需用  
之款既不便例外請銷又無從著令賠補仍請  
將各爐頭前借工料已歸四次本錢一萬三千  
二百串發交蘇州府屬九縣轉發各典商按月  
一分生息每年所收息錢一千五百餘串作爲  
採買銅價不敷之用惟發典生息錢文應俟奏  
定發商必須來年方能收息所有本年鼓鑄不  
敷銅劖無款採買請於下年額銅內暫行借用  
仍俟下年收有息錢責令局員訪照時價領價  
買補歸款至蘇局洋銅因值停鑄之後存貯尙

多以後鼓鑄不敷銅効卽於此內遞借一年仍隨時收息買補歸款不致有悞其爐頭前借工料生息本錢原議分作二十年歸清今將已經歸庫之四年本錢提出復行發典生息應請將爐頭借支生息一案加展四年歸清等情詳請具

奏前來臣覆覈無異理合恭摺具

奏伏乞

皇上聖鑒再此案應會同督臣

奏現在臣兼署督篆毋庸會銜合併陳明謹

奏

道光十年八月初六日具

奏九月初九日奉到

硃批依議該部知道欽此

恭報交卸督篆摺子

奏爲恭報交卸兼署督篆日期仰祈

聖鑒事竊

臣

前奉

上諭蔣攸銛著賞假兩月兩江總督印務著陶澍暫行兼署欽此

臣

當將兼署日期恭摺

奏報在案五旬以來倍竭駑駘刻深謹稟以

天心爲心以民事爲事勉期稱職正愧無能茲於八

月初七日接准

臣

蔣攸銛信知體氣漸次復原

奏請銷假於十三日接印等因

臣卽於初八日飭

委蘇州府知府蘇廷玉

臣

標中軍叅將吉祥保

將總督關防及文卷等項賚送臣蔣攸銘接受任事所有臣卸署督篆日期除另疏

題報外謹恭摺具

奏伏乞

皇上聖鑒謹

奏

道光十年八月初八日具

奏九月初九日奉到

硃批知道了欽此